

“Is Ainas”

Oi sciollu su versu
fatu cun sa bona rima,
funt arregordus atesu
custas ainas de prima.

Is palias po bentulai
cun grivellu e teratzu,
ainas po traballai
cun custas fainas fatzu.

Su Jualí cun s'aioni
juntus beni a sa scala,
arroda cun su lamoni
funt'in su carru a s'ala.

Fortis cubas cun sa cedra
fatas de bonu ollastu,
su jù pariat una gedra
'nu modicanu de castu.

Launi cun bandoni
prontus po nulli su lati,
casu moddi che cotonu
fatu de genti de arti.

Caddaxu cun su trebini
calentant lati in fogu,
frocidda e moriga fini
discuas fatas in logu.

Bellas seddas traballadas
stafalis, imbuadura,
stafas, prua apicadas
cun seddatzus de figura.

Prenu fiat su maiolu
de sceberau trigu,
juntu su bestiolu
a sa mola po su giru.

Chen"e torrai sulidu
dda traballant cun amoru,
sa farra cun ciulidu
turra e steretzadori.

Sciacuada sa scivedda
cun cardigas e schidonis,
trebini in sa forredda
pitziris e palitonis.

Carrada e furriotu
imbudus cun is cuponis,
prentzas e barrilotu
dimitzanas e pistonis.

Scitendì in sa muredda
sassula cun s'imbureddu,
acanta de sa cubedda
sa mola cun su tineddu.

Po is terras traballadas
imperant is serbidoris,
aradulu cun obradas
tzrepi e asrucadoris.

Po su strexu puntalorus
fenu, juncu de acatu,
s'impanna froris e corus
e tziniga cun scratatu.

Palia, marra, fruconis,
arroncili e cavana,
trebutzus, picu e morronis
imperaus s'ant cun gana.

Ant patiu trumentu
po sanu justu valori,
postas po abellimentu
oi meritais onori.

Ignazio Cappai